



den di geswornin swerin irme herrin unde der stat.
 Wirdit der geswornin burgere einer czu tode geslagin
 adir gewundit einir kamperin wundin des got nicht
 wolle. Der czu deme der wunde adir sin vorderer
 vordirt den totslac adir die wunde, komit he czu gericht-
 te, der mac wedir vormundin noch burgen nicht ge-
 habin man darf in ouch kempfflich nicht gewinnin. he
 ensal ouch noch enmac wider rede nicht gehabin, der-
 selbe wunde adir sin vorderer darf nicht andirre teidin-
 ge; Wanne daz he deme selbin deme he schult
 gibit umme den totslac adir umme die wunde sinen
 half an gewinnen sal mit eime eide. Der eit ist also.
 Daz ich rechte vorderunge habe czu deme selbin, wie
 he genant ist, umme den totslac adir umme die
 wunde, daz mir got so helfe und alle heiligin. czu
 deme ende bedarf man keiner botin, unde he mac
 ouch nicht ervallin. Derselbe czu deme man vordirt
 den totslac adir die wunde kumt he nicht czu gerichte
 unde czu antworte alse recht ist, den sal man vor-
 czelin usse sienen hals, nach der stat rechte, unde he
 sal vorczalt sin handirt iar unde einen tac. Unde
 ensal binnen der czit nimmer genade vindin noch uze
 der veste gelazin werdin, wedir von uns noch von allin
 den die nach uns gesworne werdin, binne hundirt
 jarin. Daz sulle wir unde si stete haldin usse den
 eit, den geswornin swerin czu der stat. Waz ouch
 derselbe vorveste hindir ime lazit in der stat, an eigin,
 an erbe, an varndir habe, adir usse gebirge, adir in
 huitin, adir wa he iz hat, da daz gerichte in die stat
 gehorit,